

حقوقی بیکسیر مجموعه سی

آیده بر نشر اولنور

۷۷
۱۰۰
۱۰۰

سدینه حکم ایدر؛ محکوم اولان بر آدمه هیچ اولمازسه کندیسنی مدافعه امکانی ویرلدجه او تدبیرک کیفی اوله بیلیمک احتمالنن قورتوله ماز .

قازانچ قانونسک حقوق نقطه دن ایکنجی تعدیلی ۴۶نجی ماده ده بابیلما ایدر: اعتراض قومیسونی « عندالحاجه » مکلفی استماع ایدر؛ قومیسون شفاهاً ایضاحات متممه ویرمک طلبنده بولونمایان بر مکلفی عندالحاجه استماع خصوصنده حق تقدیری حائزایسه ده شفاهاً مدافعه ده بولونمق ایسته بن مکلفی مطلقاً دیکلمکه مجبور طوتولما ایدر: مکلفه، ویردیکی تحریری اعتراضنامه بی تأییداً شفاهی ایضاحات ویرمک صلاحیتنی بخش ایتمکه ده هیچ بر محذور متصور دکدر؛ بو صورتله حرکت ایتمکه ایسه عدالت مفهومه دهافضله رعایت ایدلمش اولمقدن باشقه بر محذور موجود دکدر؛ بر قاچ آیلق تجربه دن صوکرآ خلقک شکایاتی نظر اعتباره آلهرق اتخاذ تدایره مسارعت ایدن حکومتک بو جهتلری دقتدن اوزاق طوتمایه جفی امید ایدله بیلیر .

میدلسی غار فرانفر

مفوق اداره

قضای اداری نك استقلالی

طولوز فاکولته سی سابق معلملرندن اولوب استانبول حقوق فاکولته سی حقوق عامه مدرسلکنه تعیین ایدیلن پروفیسور موسیو شارل قروزانک مجموعه مزایچون قلمه آلدینی شومهم مقاله سی ترجمه ایتدک؛ محترم محررک بو مقاله ده مدافعه ایتدیکی افکار و نظریات مجموعه مزانک پروگرامنه مقابردر؛ بونسخه نك برنجی مقاله سنده ایضاح ایدلدیکی وجهله مجموعه مز « وحدت قضا » بی علی الاطلاق هر درلو اختلافاتک و میانده دولته افراد آراسنده متحصل اختلاف لک دخی محاکمه عادیه جه لزوم حل صورتنده آکلامقده در؛ مع هذا پروفیسور قروزانک « قضای اداری » بی مدافعه ایدن اجتهادینه حرمة مقاله سی نشر ایدیورز .

« حکومتلر محکمه حضورینه کتیرلمکه حاکمیت پرنسپی اخلاص ایدلمش اولماز » . بو مطالعه پروفیسور لارنود Larnaude طرفندن ۱۹۱۰ سنه سنده بروکسل ده انعقاد ایدن بین الملل حقوق اداره قونفره سنده سرد ایدلشددر .

تورکیه جمهوریتنک محاکم اداریه بی مالک اولوب اولماسی لازمکه چکی مسئله سی مهم بر مسئله تشکیل ایدر . بو خصوصده دیگر حکومتلر ده جاری اولان احوال نه مرکزده در؟

قضای اداری بی استلزام ایتدیره چك اسباب نهدن عبارتدر ؟ قضای اداری سیستمك اك منتظم و مكمل شكلی تطبیق ایتكده اولان فرانسهك بو خصوصده كیردیكی تكامل ایله بووادیده یوریدیلن مطالعات نظریه ایله اجتهادات نهمر كزده در ؟ ایشه كمال اعتنا ایله تدقیق ایدلمكه لایق واسع بر ساحه علم و تتبع . واقعا بو خصوصده كی افكارك متفق علیه اولمادیغنی و وحدت قضایه طرفدار اولان بعض ممتاز تورك حقوقشناسلرك قضای اداری علینده بولندقلرینی و ۷ كانون اول ۱۳۴۱ تاریخی قانون موجبجه دردست شكلی بولنان شورای دولتك اجرای فعالیته باشلاماماسنی آرزو ایتدكلرینی بك اعلا بیلوروز . دیگر بر قسم حقوقشناس ایسه شورای دولت مؤسسه سنك ، ترقی و تكامل حقوقی واسطه لرندن بری اولدیغنی و بر آن اول فعالیته كچمسی شایان آرزو اولدیغنی عینی قناعت و وقوف طامانه ایله ادعا و درمیان ایتكده درلر . بو بچنده كندی حسابمزه وضعیت آله رق سرد ایدیلن دلانلین بعضیسی اوزرنده اصرار ایتمكی فائده لی كورمكده یز .

بوتدقیقه اساس اولمق اوزره دولترك بعضیلری « اداری اصول مخصوص » régime administratif و بعضیلری علی العاده اصول ، régime ordinaire ایله تدویر امور ایتدكلرینی كوز او كنده طوتمق لازمدر . انكلتره ، جواهر متحده آمریقا و انكلیز دومینونلرنده « علی العاده اداره حكومت » سیستمی جریان ایدر . اورالرده تعیرك نام معناسیله « اداره » موجود دكلدر . وطنداشلر ایله حاكملردن بشقه برشی كورونمز . و هر اختلاف ، افراد ایله حكومت آراسنده اولسه ، حاكم طرفندن حل اولنور . حالوكه فرانسه ، آمریقای جنوبی حكومتلرندن برچوخی ، آوروپای مركزی و شرقده توركیه « اداری سیستم » لی حكومتلردر .

زیرا اولنرده قوه اجراییه نك بر شعبه سنی تشكیل ایدن مركزی بر ضبط و ربط قوتی موجوددر . مذكور دولترلر تام و طوغری معناسیله بر « اداره » یه مالكدرلر . بوندن بر سلسله اجراآت اداریه حاصل اولوركه ماهیتلریله قانونه درجه مطابقتلرینك تعیینی اقتضا ایدر . زیرا كه نوعی كندیلرینه مخصوص اولان بواجراآت اداریه افراددن صادر اولان افعالك عینی ماهیت حقوقیه سنی حائر دكلدرلر . بنابراین اولنره مخصوص بر طاقم قواعد تطبیق ایدلك اقتضا ایده چكددر .

معافیله بتون مسئله شو نقطه ده تمرکز ایدیور . « اداری سیستم » ایله اداره اولنان بر دولتك « علی العاده سیستم » ایله اداره اولنان بر حكومتك دوننده قالیورمی ؟ و تعیر آخرله انفلواسقون اصولنه كوره یالكنز محاكم عدلیه بی قضا ایله موطف قیلمق

لاتین اصوله کوره آریجه بر قضای اداری تشکیلاته فائقمیدر؟ بویه برادما کراراً در میان ایدلشددر . آنفلوساقسونلر ، حریت شخصیه نك مملکتلرنده دها زیاده سهل التطبيق اولدیفنی ، چونکه وطنداشلر ایله قانون آره سنده کی تماسك طوغریدن طوغری به واقع اولوب قانونك روحنی اغلاق و تشویشدن بشقه بر شیئه یارامیان اداری قرطاسیه دن آزاده قالمقدهدر . اورالرده مشروعیت حسی دها زیاده انکشاف ایتمش بر حالدهدر ؛ مرعی اولان تطبیقاتدن بر تشبث شخصی و مسئولیت اعتیادی حاصل اولیور . بونك فوقده اوله رق اصلا موجود اولمایان بر و اداری سیستم « حقنده تأمینات آلق لزومی ده هیچ موجود دکلددر . بو مطالعات بزه آنجق بك محدود بر صورتده طوغری کورنمکدهدر . زیرا بعض مملکتلر وارکه « اداری رژیم » ی تطبیق ایتمکده مضطردلر و بواسطرار یالکز غنعات تاریخیه دن نشأت ایتیوب بلکه و دها زیاده بر احتیاج حقیقی دن انبعاث ایتمکدهدر .

بو قیل حکومتلر آنفلوساقسون اصولنی اصلا قبول ایده مزلر . زیرا « اداری رژیم » ی محق کوسترن اسباب بك قوتلی و حقایق احواله مقروندر . بو رژیم مدافعه عسکریه و مدافعه داخلیه احتیاجلرینه تقابل ایتمکدهدر . بر مملکت عسکری احتیاجاتك زبونی اولدجقه بر قوه اداریه به محتاجدر . زیرا قوه اداریه به تبیت وطنداشلری قوه عسکریه به تبیت ایتمکه آلدیریر . لکن اداری رژیمك تطبیقی محق کوسترمه جك بر سبب دها وارکه اوده مملکت داخلنده موجود « فعلی قوتلر » *puissances de fait* قارشو قویغه یاردیم ایتسیدر . زیرا معلوم اولدیفنی وجهله هر بر مملکتده امتیاز و یا انحصار آلفه غیرت ایدن فوق العاده قوتلی جمعیتلر ، سندیکلر ، مؤسسات ، فدهد راسیونلر ، سرمایه سی اسهامه منقسم شرکتلر ، تروست و سائر تشکیلات موجوددر . یالکز قانون و یالکز حاکملر بو « فعلی قوتلر » *puissances de fait* قارشو کندی باشلرینه مجادله به کیریشه بیلیرلرمی ؟ بوراده مملکتك اقتصادی و یاقایتالیست قوتلرینك برسویه به کتیرلرینی ایسته مک و یا بر مملکتك انکشافه خادم اوله جق واسع تشبثاتك غیرتی کسر ایتك موضوع بحث دکلددر . بو ، مقصده کلیاً منافی اولوب بر ملتك تعالیسنه سد چکمه که معادلدر . خایر مقصد مز بودکلددر . حکومته قارشو تهدید آمیز بر وضعیت آلان « قوتلر » *puissances de fait* قارشو قوه اداریه ؛ ضابطه و تشکیلات سائره سی سایه سنده ، فعلیات ساحه سنده مجادله به ممکن قیله بیلور . بوندن ماعدا « اداری سیستم » ك « محسنانندن الك اهمیتلیسی ده حکومتك قوه عمومیه سی خارجنده اوله رق حکم سورمك ادعا سنده بولنان بر طاقم تشبثاتی حکومتك بالذات حوزه فعالیتنه ادخال ایتمیددر .

بنابرین بعض حکومتلرک مطلقاً « ادارى رژيم » ، محتاج اولدقلرى بلاتررد ادا اولميليور . لکن بوندن مذکور ژريمه قارشو تدابير و تأمينات جدیه آلماسى لازم کليه چکى معناسى استبدال اولميليورى ؟ بالعکس بويه بر ژريمک عرض ايتديکى محاذيردن صاقينعق کر کدر . بو حقيقت فرانسه ده کرکى کي آکلاشيلمس و اتحاد ايديلان تدابير سايه سنده اوراده ، قضای ادارينک وجودينه رغماً ، مشروعيته انکلتريده اولدينى قدر تحت تأمين ده اولدينى ادا ايديليه ييور .

في الحقيقه بوراده مشروعيته مفهومي ، حکومتک افراد کي حق وعدالته تابع اولماسنى تصديقدن بشقه برشى دکدر حالوکه قضای ادارى جارى اولقله برابر قوه اداريه نك حقه تبعيتى قطعى پرنسيپلر ميانه داخلدر . اداره حکومت ايدنلر قانون نظرند مسؤل اولدقلرى کي اجرا اتلرى دخى قانون دائره سنده وقوعبولماسى لازمکلور . مستبد برادرده ده قانون هر کسه قابل تطبيق دکدر . زيرا بر خيلى ممتاز صنفلر موجوددر . اوراده قانون اداره حکومت ايدنلر ايچون ياپيلماسددر . دموقراتيک بر اداره ده ايسه غايه آمال قانونک هر کسه قارشو حتى حکومت قارشو دخى قابل تطبيق اولماسى در . هر نه قدر ضرورى اوله رق اداره نك بر طاقم امتيازلى تصديق ايديليورسه ده ياکلش حرکت ايتيه چکى اعدادن حذر ايديلدير . بناء عليه جهت اداريه يى قانونه تابع طوتمق ايچون اوکا قارشو برطاقم مدافعه واسطه لرى احضار ايدلمسدر .

تشکيلات اساسيه قانونک ، وطندا شلرک حقوق اساسيه سنى اخلال ايتماسى لازم کلدیکى کي على الاطلاق قوانين ده تشکيلات اساسيه يى اخلال ايتاميلدر . نظامات و تعاملات اداره ، قانونى اخلال ايدمه يه چکى کي والا کيفى اداره حکومت ديمکدر که دموقراسى ايله اصلاً قابل تأليف دکدر . حقوق عامه اعلان ايدر که نه زمان ياکلش تنظيم ايدلمس ويا موقع اجرايه قونمش بر نظامنامه اولورسه افرادک بوکا اعتراض ايتک ايچون واسع بر صلاحيته مالکدرلر . بنابرین مشروعيته پرنسيپى ، قضای ادارى جارى اولدينى وقت دخى محفوظ و مطلق در . برادره حکومتک هانکى شعبه سى اولورسه اولسون حتى چيکنه يه جک بر حرکت ده بولنه ماز . بو خصوص بويه چه قبول ايدلدکن صکره قانونه تبعيت خصوصى تطبيقانده نه شکلده جريان ايدمکدر ؟ آنغولواسقون مملکتلرنده اداره مأمورلرينه ، حاکم اجراى تنبيهات ايدر . ديگر مملکتلرده ايسه قوه تأييديه لر بر طاقم طرق مراجعت سايه سنده توسيع و تزويد ايدلمسدر که طرق مذکورده نك اک مکمل اولانى شبهه سز که وظيفه يى سؤ استعمال مناسبيله موجود اولان طريق مراجعت در .

بو طریق مراجعت فرانسز شورای دولتی طرفدن پک یوکسک بر مرتبه مکملیه اصعاد ایدلمشدر .

تفصیلات مسرودهدن « اداری زیریم » ک بعض دولتلر ایچون بر ضرورت اولدینی مستبان اولیورسهده ده موقراتیک بر مملکتده حقوق عامه قواعد اساسیه سندن اولان مشروعیته ایله نا قابل تألیف دکلدر . یالکز ، اداره یی قانونه تبعیت ایتدیرمک ایچون ایجاد ایدلمش و سائلدن هانکیلرینک دها زیاده مصلحه موافق اولدقلمشک تعینی مسئله سی قالیور . اکر اداره حقسز یره افرادی متضرر ایدیورسه اداره یی هانکی محکمه محاکمه ایده جکدر ؟ بزه قالیورسه اداره یی محاکمه ایده بیله جک آنحق حکام اداره در که بونده بر عصردن زیاده زماندن برو اجرا ایدیلان تدقیقات عمیقته ک و یردیکی نتایجدن حاصل اولان بر طاقم قواعد توفیقاً حرکت ایدلمک ایجاب ایدر . حقه قارشو وقوعبولان تجاوزلر ایچون حقوقشناسلر بر طاقم تدابیر تثبیت ایتشدر که بونلر حکومتک حقوق حکمرانیسه اصلا خلل کتیرمز .

قضای اداری صلاحیتک حکام عادییه تفویض ایدلمامسینی ایجاب ایتدیرن اسباب هانکیلریدر ؟ بو مسئله فرانسز انقلاب کیری زماننده دخی موضوع بحث ایدیلارک ذهنلری خیلی مشغول ایتش و او زماندنبرو بر چوق مناقشات عمیقته سبیت و یرمکدن خالی قالمشدر . بوراده ایکی مختلف جریانک دائماً قارشولاشدیغنی کوریوروز . انکلتزده حاکم ، هر بر ایشی حل ایدر . ۱۳ اغستوس ۱۸۸۸ تاریخلی قانونک نشرینه قدر قونتلقرده کی صلح حاکملری دوعرودن دوعروه وظائف اداره یی دخی رؤیت ایتدکلری کبی محکمه لر دخی اداره مأمورلری اوزرنده حق مراقبه یی حائز ایدیلر . بو تاریخدن صکره صلح حاکملری قونتلق مجلسلرینه حواله اولسان وظائف اداره یی خصوصنده کی صلاحیتلرینی ضایع ایتمشلرایسه ده دیگر محکمه لر مأمورین اداره یی قارشو طبق بومأمورلرک مافوقلری کبی معامله ایتمه ک قدر اوله ککشد و وظائف عمومی دولت سبیلله وقوعبولان اختلافاتی حل ایده ککشلردر . عینی حال متحده آمریقا ده دخی جاری اولوب حکام وظائف اداره یی ایضا ایتک صلاحیتینی حائز اولدینی کبی مأمورین اداره اجرا آتک مرجع شکایت و محاکمه سیدر . محکمه تمیزده قوه عدلیه ک ال یوکسک مقامی اولماسی حبسیله اداری اختلافلرکده ال یوکسک مرجع تدقیقی اولوبور دیمکدر .

انکلیز اصولی یوقاروده خلاصه ذکر ایدلمشدر . بو اصولک اقتباسی موافق می در ؟ نمدن بعض دولتلر و بالخاصه فرانسه دولتی بونی قبول ایتماشلردر ؟

انکترده جاری اصولک فرانسه ده ۱۷۹۰ تاریخده قبول ایدلماسی ایچون پک مهم اسباب تاریخیه موجوددی . لکن اوتاریخدن برو ایکی نوع قضایک ابقاسنی ایجاب ایتدیره ن اسباب اسکی سیلردن کلیاً فرقلیدرلر . ۲۴ اغستوس ۱۷۹۰ تاریخلی فرانسز قانوننک مالی شوایدی : « وظائف عدلیه وظائف اداریه دن دائماً آیری در وایله جه قالمق ایجاب ایدر . حکام ، قوه اداریه نك اجرا آتسه هیچ بروجهله مداخله ایدمه چکری کی مأمورین اداریه نی دخی وظیفه مأموریتلری وسیله سیله حضورلرینه جلب ایدمه چکلردر » .

انقلابی روحیه وجوده کتیرلمش اشبو قانون ، حکامی مأمورین اداریه نك دائرة صلاحیتته داخل وظائفی اجرادن منع ایتدیکی کی مأمورین مذکورنك وظیفه مأموریتلری نی ایفا وسیله سیله تحدت ایدمه یلن دعاوی و اختلافاتی دخی رؤیتدن منع ایدیور ایدی . هر نه قدر احکام مجبوره فرانسز حقوق عامه سنك اساسنی تشکیل ایدیور سه ده بونلرک هیچ بر اعتراضات دعوت ایتماش اولدقلری وفرانسز علمای حقوقک کافه سنك احکام مزبورنك تولید ایتدیکی نتایجی قبول ایتمش اولدقلرینه ذاهب اولمالیدر . بوخصوصه دئیه التباسه محل قالماق اوزره شونی ذکر ایتمک کر کدرکه انقلاب رجالتی بو قانونی قبول ایتمک سوق ایتمش اولان اسباب قطعی در . قوه اداریه ایله قوه عدلیه نك تفریق قاعده سی قبول ایتملرینک سببی اداره سابقه نك صنف حکامنه قارشو فوق العاده امنیتسزک حس ایتملردن ناشی ایدی . محکمه وظیفه سی کورن « عدلی پارلامنتور » تنسیقات اداریه ده دائماً سکنه ایراث ایتمش و بویوزدن خلقلک نظرندن پک زیاده دوشمشلر ایدی . انقلاب اداره سابقه نك « عدلی پارلامنتور » ی علیهنده و اداره جدیدنی تمثیل ایدن مأمورین اداره ده توجه کارایدی . لکن حکامک رؤیتدن ممنوع بولندقلری دعاوی اداریه نی رؤیت ایتمک کیمه راجع اوله جقدی . « انتاندان » Intendants لرک صلاحیت قضائیه سی خاطره لری و « فیزوقراط » لر نظریاتنک تأثیریه اشبو صلاحیت اداره مأمورلرینه ویرلدی . بو البته دئیه ناتمام بر اصلاحات و تشکیلات ایدی . زیرا بونکله اداره اجرائیه ایله اداره قضائیه تفریق ایدلماش بولنیوردی . بوقاعده اساسیه آنجیق انقلابک ۸ نجی سنه سنده قبول ایدلمش و موقع تطبیقه وضع اولنسی کیفیتی ایسه صکره لری واقع اولمشدی . معافیه بونکله پک واسع بر اثر وجوده کتیرلمش اولیور ایدی .

بنابراین فرانسه حکومتی حکامدن ، دعاوی اداریه نی رؤیت ایتمک صلاحیتنی رفع ایتمک سوق ایدن اسباب صرف اسباب تاریخیه دن اولدیفنی بیان ایده بیلیز . بونک ایچوندوکه بعض ممتاز علمای حقوقک ، عدلی پارلامنتور آرتق موجود اولمادیقندن

واونلردن قورقيله جق بر جهت قالماديغندن ، بويله بر اصولك حكمة وجودى قالمادى دهيه سرد اعتراض ايدر لر سه حيرت ايتما مليدر . بونلره كوره معقول ومنطقى اولان وحدت قضا در . بعض محاكم اداريه ابقا ايدلديكي تقديرده دخى ينه صوك سوز تشكيلات عدليه نك باشنه قونيلان محكمه تميزه عا ث اولماسى لزومنى مدافعه ايدى بوزلر ؛ بو نظريه ينى بر جوق علما ايله برابر موسيو « ژاقلن » Jacquelin دخى ، حقون اداره ده حاكم اولان پرنسيپلر « ناميله ۱۸۹۹ سنه سنده قلمه آلد ينى ائرنده مدافعه ايتديكي كجى پارس حقوق فاكولته سنده كى تدريس اتنده دخى بلا اقطاع مدافعه يه دوام ايتمكده در . محترم رفيقمزك درميان ايتديكي نظريه اوزون اوزادى يه تدقيق ايدلمك لايق ايسه ده بوراده يالكز اك مهم نقطه لر ينى نقل ايتمكه ا كتفا ايدم جكز . وظيفه قضائيه نك استقلالى ايكي نقطه نظر دن تدقيق ايدلمكده در : نظرياتده تفريق قوا پرنسيپيله قابل تاليف دكلدر ؛ تطبيقده ايسه بر طاقم اختلافاته و احقاق حق دن امتناعلره منجر اولمقده در .

معلوم اولدينى اوزره نظرياتجه حكومتده اوچ قوت موجود در : بر قوه اجرائيه ، بر قوه تشريعه و بر قوه عدليه . ايمدى قوه اجرائيه استقلال نقطه نظر دن ديكر ايكي قوتلره معادل اولديغندن على العاده قضاي عدلى دن آيرى بر قضاي ادارى نك موجوديتى قابل قبول دكلدر . بو ، تفريق قوا اساسنه مغاير در . بو نقطه ده شونى ذكر ايدم كه موسيو ژاقله نك بو نظريه سنه قارشو ، قواى ثلثه نظريه سنى قبول ايتيوب يالكز قانونلرى يابان قوت ايله اونلرى اجرا ايله مكلف قوت دن بشقه قوتلر طائيمان (دوقرو) ، (دو كى) و (هور يو) نك مطالعه لر ينى كور يرز .

كوريلبور كه اك بيوك علماي حقوق تفريق قوا اساسى بختنده متحد الرأى اولمق دن بك اوزا قدرلر . مع مافيه پروف سوز ژاقلن آيرى بر « قوه عدليه » نك موجوديتى ادعا ايتمكده و مذكور قوت ايچون صلاحيت كامله طلب ايتمكده در . مومى اليه كوره « اداره » نك افراد ملت مثللو « عدليه » يه تابع اولماسى قبول ايديله جك بر قضيه دكلدر .

تطبيقات نقطه نظر دن معلم محترمك واصل اولدينى نتيجه دخى عيى در . بر برينه موازى و فقط بر برندن آيرى و مشترك بر مراقبه يه تابع اولمايان ايكي قضائك موجوديتى عدالت مفهوم حقيقيسي له قابل تاليف اوليه جق بر طاقم ننايج توليد ايتك تهلكه سنى عرض ايدر .

فرانسه‌ده قضای عدلی ایلا برابر قضای اداری بولونماسندن ناشی اویله حاللر اولمشدرکه نه قضای عدلی کندیسینی صلاحیتدار عدایله دی ، نه ده قضای اداری حالبوکه اورته ده بیوک بر حقسزلق اولدینی بارز ایدی . (دیوون ورور) Divonne et Roure مسئلهسبله ایریس Iris واپوری مسئلهسی حقوق اداره کتابلرنده مثال اوله رق سرد ایدیلیر ؛ ایریس مسئلهسینی برآز ایضاح ایدلم : قریم محاربهسی ائناسنده واپور مجهزلندن بری قریمه مهمات حربیه نقلیاتی ایچون ایریس نامنده کی واپوری حکومتی ایجار ایلمش و مذکور واپور باتیرلش ایدی . مجهز ، واپورینی بر سیغورطه شرکته مخاطرات عادیه قارشو سیغوریطه ایتدیکی کبی - شرکتار حرب تهلکه لرینه قارشو واپوری سیغوریطه ایتک ایسته مدکلرندن - بالذات حکومتده واپورک حرب تهلکه لرینه قارشو سیغوریطه جیسی اولمش ایدی . محاکم عدلیه مخاطرات بحریه عادیه نك عدم موجودیتیه حکم ایتدیلر ، محاکم اداره ایسه مخاطرات حربیه نك موجود اولمادیغنه قرار ویردیلر . حالبوکه واپور باتیش اولدیغندن بواکی مخاطراتدن بریسنک متحقق اولدینی آشکار ایدی ؛ بوصورته مشترک برما فوق مرجعی بولنمایان ایکی قضانك موجودیتی بر déni de justice احقاق حق امکانسزلغنه سبیب ویریور چونکه بو ایکی قضانك هر بری کندینه تعلق ایدن مسئله ده مستقلاً صلاحیتدار عدایله رك وحدت قضایی غیر ممکن قیلمقدهدر .

بروفسور ژاقله نك نه زی یوقاروده ذکر ایدلمشدر . معافیله پروفسور شورای دولك وبالخاصه اوجنجی جمهوریتك شورای دولته قارشو تقدیراتی اسیرکه میور و دیورکه بو مؤسسه دوائر حکومتی التزام و صحابت ایتیه رك قوت و اقتدارینی بالعکس افرا دک حقوقی صیانت ایتمه ک حصر ایلشدر . موسیو ژاقله ن یالکز شورای دولت وظائفنك تحفیف و تنقیص ایدلمسینی طلب ایدیور و مثلاً اداره نك عقد ایتدیکی مفاولاتدن متحدث اختلافانك محاکم عدلیه حواله سی و شورای دولتك ، اصل اجراءات حکومتك قانونه مطابق اولوب اولمادیغنك تعیینه مدار اولق اعتباریه ، وظیفه مأموریتی سؤ استعمال حقنده کی مراجعاتك تدقیقه حصر مشغولیت ایتسی لازمکلور دیور .

لارنود ، هوریو ، دوکی ، ژهز ، روللان ، بونار و مهستر کبی حقوق عامه مؤلفلرینك نظریاتی موسیو ژاقله نك نظریه لرندن آیری در . بونله کوره قضای اداری ، منطق حقوقیه پك موافق اولدینی کبی تطبیقانه بیوک بر قیمت عملیه سی دخی وادر . اساساً شورای دولتك

اجرا آتیه مفتون اولان موسیو ژاقله دخی وظیفه مأموریتی سو استعمال ماده سنده مذکور مؤسسه نك حق مراقبه سنی تصدیق ایتمکده در . بونک سببی ایسه دورلرک تحریباتنه مقاومت ایده بیلمش بر مؤسسه قولا قولا طوقونیه میه جنی در . بوراده انقلاب کبیر رجالک تفریق قوایی نه صورتله تلقی ایتمش اولدقلری مسئله سینه یکیدن رجوع ایتیه جکز . یالکز تفریق قوا تعبیرینه ویرلسی لازمکن معنایی تثبیت ایتمک لازمدر . بوتعیردن « وظیفه عدلیه بی عادتاً انحصار آتیه آتش اولان و منفرد برسلسه محاکم کردن متشکل بر قوت » معنایی استخراج اولنه بیله جکی کبی بو پرده نیبی بشقه صورتله تفسیر ایتمک امکانی ده واردر اوده شودر : کرک واضع قانون کرک قوه اداره اعطای حکم مسئله سینه بالفعل قاریشما دجه تفریق قوا حاصل اولمش دیمکدر . بو پرنسیپک اصل استلزام ابتدییکی شی « بر قوتک دیگر بر قوتی طوردر میسدر » زیرا قوتلردن هر بری دیگر بر قوتک استعمال ایدلمسنی منع ایتمک صلاحیتی حأردر . ایدمدی فرانسر قواعد حقوقیه سینه کوره قضای اداری نك طرز تلقیسی اشبو اساسی تأمین ایتلکده در . برده « مونتسکیو » نك افکار یله اتفاق موجود اولوب اولمادیغنی آراشدیرمقی زائد بر کلفت تشکیل ایتیمی ؟ مؤلف مذکور افکارینی عرض ایتدیکی صروده پیش ملاحظیه آلدیغنی قوای ثلثه نك فعلاً بر وظیفه سیاسیه لری واردری . یعنی انکاترده قوه اجراییه ایله قوه تشریعیه و فرانسه ده ایسه اوامر قرالییه قارشو مقاومت ایده بیلن قوه عدلیه . حال حاضرده ایسه محاکمک وظیفه سی صرف اختلافاتی حل و محاکمه ایتمکدن عبارت اولوب اصلاً بر قوت تشکیل ایتزلر و وظیفه عدلیه نك بر انحصار آتیه آلمسنی ایجاب ایتدیره جک هیچ بر سبب موجود دکدر . وظیفه مذکور بر برندن آیری ایکی عضو آره سنده توزیع ایدیه بیلیر . فرانسه ده عدلیه ، صلاحیتلرک بر منطقی تقسیمنک نتیجه سیدر . مسئله نظریات نقطه نظرندن تدقیق ایدلدیکی زمان وحدت قضا طرفدارلرینه قارشو ویرلن جواب ایسته یوقاروده ذکر ایدلمشدر . لکن ایکی قضانک موجودیتی لهنده عملی نقطه نظرندن سرد ایدیلن دلائل دها زیاده مقنع درلر .

بزی دوشوندیرن فعلاً تحدت ایدمک اختلافلر دکدر . بر آز اول نقل ایتدی کمز مثاللر اسکی اجتهادات محاکم صروده داخلدرلر . حرب عمومی ایسه احقاق حقندن امتناع ایچون بر چوق فرصتار بخش ایتش ایدی . بونکله برابر فرانسه نك شورای دولتی (ایریس) مسئله سینه تماماً مشابه بر چوق دعوالری رؤیت ایتمک ایچون کنسیدسنی صلاحیتدار عد

ایتمامشدر . محاکم عادیهدن صادر اولان قرارلره مغایر مقررات اتخاذ ایتمسی ممکن اولان احواله شورای دولت اعطای حکم دن اجتناب ایتمکدهدر . بوندن شورای دولسک ، استقلالنی فدا ایتمیکی معناسی چیقارلاملی بلکه بونی ، بربرینه منافی قرارلرک حصولدن توقی ایتمک اندیشهسنه حمل ایتملیدر .

بتون بو ملاحظات بر طرف ایدلسه بیله محاکم ادارهنک موجودیتی الزمدر . زیرا وظائف عمومیهنک اجراسندن متولد اختلافانک حلی ایچون حقوق عامه نظریاتنک تطبیقنه احتیاج وارددر .

فی الواقع بر حقوق مدنیّه برده حقوق عامه موجوددر . حقوق عامه مستقل بر موقع احراز ایش ایسه بو وضعیت وظائف عمومیهنک ایفاسنک یکی وضعیتلر احداث ایتمسندن و یکی وضعیتلره کوره یکی حقوقه ، یکی تلقیلره احتیاج حاصل اولامسندن ایلرو کلمشدر . بعض فکری کیسهلر حقوق مدنیهدن اوزاقلاشان مطالعاتی و یکی اصطلاحانک تشکلی کورمکه متأذی اولیورلر . لکن برعصردنبری (دو کرو) (لافه ریه ر) (دوکی) (لاباند) (هوریو) (به رته له می) (ژده ز) کبی مدققلرک و حتی شورای دولسک کندیسنک دخی ادارهنک حیات خصوصیه سنی آکلامق خصوصنده اجرا ایلدکلیر تدقیقات بوشه کیتماشدر . اونلر ادارهنک احتیاجاتی ایدن ایی به کشف و تنبیت ایشلار و آنک حائز اولسی لازمکن امتیازات ، استقلال و حصه مسئولیتی تعیین ایشلارددر . بویه معظم بر اثر جف القلم قالدیر بیه ماز . بو اثری انکار ایتمک علم حقوقک ترقیسنده حصوله کلن مهم نتایجدن محروم اولمق دیمکدر . مسائل حقوقیهنک حقوق عامه و حقوق خصوصیه نقطه نظرندن مختلف شکلر عرض ایتدکلرینه مثال ایسته نیورمی ؟ ادارهنک عقد ایتدیکی بر مقاوله حقوق خصوصیه تبعاً عقد ایدیلان بر مقاوله یه اصلا شبیه دکلددر . حکومتک مسئولیتی بحثی بک مهم مسئله لر تولید ایدیور . بو مسئله لرک نتایجنی کورمک آنجق عینی زمانده حقوقتی و اداره جی اولانلره میسر اوله بیلور .

برده اشکال و مراسم قانونیهنک اجرایی خصوصنده دخی حقوق عامه ایله حقوق خصوصیه آره سنده فرق وارددر . شکل و مراسم نقصانی یوزندن عقدک انفساخی حقوق عامه ده بر قاعده عمومیه تشکیل ایدر حالبوکه حقوق خصوصیه ده عینی درجه شمولی حائز دکلددر . تعدی نتیجه سی اوله رق ویا بلا تعدی وقوعبولان افعالدن متولد مسئولیت بک دقیق قاعده لره تابعدر . بوراده اونوتماملیدرکه حکومت ینه حکومتدر وحقه تبعیت

ایتمی اقتضا اینجه او تبعیتی اشخاص فردیه کبی اظهار ایده مز . محاکم عدلیه متون قانونیه ایله باغلی اولدقلری حالده محاکم اداره امور دولتک مقتضاسنی نظر دفته آلودر قواعد صریحه نك عدم موجودیتی تقدیرنده قواعد نصف دأرئسندہ حل مسئلہ ایدرلر که حقوق عامہ نظریاتنک مشکل و گرفت اولمسی بوندن نشأت ایدر . حقوق مدنیہ نك غایه سی منافع خصوصیه متساویه نك توازنی تأمین ایتمکدر . مثلاً داین ایله مدیونک ، موجر ایله مستأجرک منافعی کبی . منافع عمومیہ نادراً و تصادفاً حقوق مدنیہ بی اشغال ایدر .

حقوق اداره ایسه اصل اندیشه سی اولان منافع عمومیہ ایله منافع خصوصیه آرئسندہ کی اختلافانی حل ایدر بوراده تأمین ایدیلجک موازنہ بر مساوات موازنه سی *équilibre d'égalité* اولمایوب بلکه برتناسب موازنه سی در . *équilibre de proportionnalité* مع مافیہ بالتجربه ثابت اولان بر حال واردر : اوده وطنداشلا نك منافعی محاکم اداره دهه پک مهم تأمیناته مظهر اولمیردر . شورای دولت حقندہ « اداره نك وجدایدر » دنیلمشدر که بو پک طوغیردر .

کوریلور که حکام عادیہ قواعد مخصوصیه تابع اولان بر طاقم دعوالری رؤیت ایدہ بیلیمک ایچون هیچ مجهز دکلدرلر . وظیفه قضانک تفریق وتوزیبی عدالتک دهه ایی توزیع ایدلمسی تأمین ایدر . دماوی اداره نك محاکمہ سی ایچون وظائف عمومیہ دولتک تشکیلاتی و ایجابات عملیه اداریہ بی ایی دن ایی به قاورامش اولمق اقتضا ایدر . حقیقت حالده ایسه محاکم عادیہ بو کبی اوصافی حائز دکلدرلر زیرا مسائل اداریہ دن اوزاق بولنیورلر . پک طبیعی در که خصوصی برماهیتی حائز اولان مصالح ایچون حقیقه صاحب صلاحیت بر حاکم مخصوص لازمدر . تجارت حاکملرینک موجودیتی دخی عینی اسبابدن نشأت ایدر . اداره ایله تماس ایدن حاکم مخصوص اداره نك عنداللزوم بعض امتیازاتی فدا ایتمک حاکم عادی دن دهه زیاده قادر اوله جقدر . حکام عادیہ ایسه امتیازات مذکوریه ال اوزاتمغه جسارت ایده مزلر .

محاکم عادیہ ایله محاکم اداره نك لزوم تفریقی حقندہ موجود دلائلک هپسینی ذکر ایتمش اولمادق . بونلره علاوه اوله جق بعض دلیللر دهه واردر . مع مافیہ یوقاروده تعداد ایتدیکمز دلائل قضای اداری نك استقلالانی اعلان ایتمک ایچون بر عصر دنبرو صرف ایدیلان مساعی نك نتایجی حقیقی کوستر مکه کافی در . بوراده تور کیه نك بویولی تعقیب

ایتمکده منفعتی اولوب اولماد معنی سؤال ایتمک قالیور . بزه کوره بوکا و بریله جک جواب اصلا بادی تردد اولمالیدر . تورکیه « اداری رژیم » لی بر حکومت در . صوک قبول ایتمیکی قانون مدنی ده حقوق عامه یه متعلق هیچ بر احکامی محتوی دکلدرد . بنابرین تورکیه حاکمیری بو قانون ایله خط حرکتلرینی تعیین ایده مزلد . معاصر حقوق عامه نك تمایلات جدیده سنی نظر دفته آلمق لازمدر . تورکیا جمهوریتی بالانترام الک صوک قلمه آلمش بر قانون مدنی اقتباس ایتمش اولدیغنه کوره عینی تکامل حقوقی حقوق عامه وادیسنده دخی اظهار ایتمک ایسته جکی آزاده اشتباهدر . حقوق اداره نك یکی دستورلرینی ومثلاً تطبیق پک مشکل اولان وظیفه مأموریتی سؤ استعمال حقنده کی قواعد جدیدینی ، - اساساً آغیر و آغیرلنی نسبتنده وظیفه سی نازک اولان - حاکم مادی نك تطبیقه قالمشاسی اولدیقه مخاطره لی در .

علمک نتایج حاضره سنه کوره تنسیق ایدلمش و دیره کیتفلرینی فرانسز شورای دولتک اجتهاد اتندن اقتباس ایله جک اولان بر قضای اداری نك وجوده کیتلمسی علی الاطلاق فکر حقوق و ده موقراسی نك دعواسی ایچون اھمال اولنه جق بر تأسیسات دکلدرد . ینه عینی مسئله یه رجوع ایدیوروز . اداره یی قانونه تابع قیلمق ایچون الک مستعد حاکم ینه حاکم اداری در . بوندن طولاییدر که تورکیاده بر شورای دولتک تأسیسی امر اولان ۷ کانون اول ۱۳۴۱ تاریخلی قانونی ممنونیتله قارشولامق لازمدر . مذکور قانونی شمیدیلک تدقیق ایتماکله برابر دیه بیلیرز که بوقانون ترقی یولنده آتیلش بیوک برخطوده در . یکی شورای دولت قانونی یکی حقوق عامه یه حاکم اولان روحی طاشیمقدمدر . شورای دولت حقنده شمیدی یه قدر چیقارلمش اولان قانونلرک هیچ بری بوقدر ایلری کیتمه مش و کرک حقوق ایچون کرک ده موقراسی ایچون قوتلی بر سلاح تشکیل ایتمکده در وظائف عمومیه نك مشروعت دائره سنده ایفاسنی تأمین ایچون تورکیاده بو کونه قدر بوقدر عظیم بر تثبیت مشاهده ایدلامشدی .

سه . قرور

استانبول حقوق فاکولته سی حقوق عامه مدرسی